



SAKSPAPIR

Saksnr	Utval	Type	Dato
67/2022	Formannskap/plan- og økonomiutvalet	PS	23.08.2022

Sakshandsamar	Arkiv	ArkivsakID
Tore Henrik Øye	FE-223, FA-K40	22/308

HANDSAMING AV SØKNAD OM TILSKOT FRÅ KOMMUNALT VILTFOND TIL OPPSETJING AV HJORTEGJERDE KRING GRASENG OG BEITE PÅ GBNR. 58/5 LAVIK I EKSINGEDALEN

Vedlegg:

Søknad om tilskot til hjortegjerde på Lavik

2022 - hjortegjerde på lavik - søknad til vaksdal kommune - vedlegg - økonomi - pdf

Kommunedirektøren sitt framlegg til vedtak:

Viltnemnda, ved Formannskap-/plan og økonomiutvalet (FPØ), løyver inntil kr. 80 000,- eks. mva. i viltfondsmidlar til føretaket Lars Bjarte Nesheim for oppsetjing av 1078 meter med hjortegjerde på gbnr. 58/5 Lavik i Eksingedalen for å hindre hjort i å beite på innmark.

Vedtaket er gjort med heimel i Forskrift om kommunale og fylkeskommunale viltfond og fellingsavgift for elg og hjort § 5, jf. § 1, og vedtektene for kommunalt viltfond pkt. 5.

Tilskotet er løyvd ut frå kr. 159 764,- i godkjend kostnad, med 50 % i finansiering (avrunda). Lågare dokumentert kostnad gjev lågare tilskot.

Årleg ettersyn og vedlikehald av gjerdet vert sett som vilkår for tilskotet.

Tilskotet vil bli utbetalt til søker sin bankkonto etter oppmoding om sluttutbetaling.

Formannskap/plan- og økonomiutvalet - Sak 67/2022

FPØ - Behandling:

Endringsframlegg frå Erlend Hesjedal-Johannessen, H:

"Første punkt i vedtaket vert endra som følgjer:

Viltnemnda, ved Formannskap-/plan og økonomiutvalet (FPØ), løyver inntil kr. 87 164,- eks. mva. for å dekke direkte materialkostnader."

Røysting:

Kommunedirektøren sitt framlegg til vedtak samrøystes vedteke.

Endringsframlegget frå Erlend Hesjedal-Johannessen vart samrøystes vedteke.

Rett prosentandel er korrigert i vedtaket.

FPØ - Tilråding/Vedtak:

Viltnemnda, ved Formannskap-/plan og økonomiutvalet (FPØ), løyver inntil kr. 87 164,- eks. mva. i viltfondsmidler til føretaket Lars Bjarte Nesheim for oppsetjing av 1078 meter med hjortegjerde på gbnr. 58/5 Lavik i Eksingedalen for å hindre hjort i å beite på innmark.

Vedtaket er gjort med heimel i Forskrift om kommunale og fylkeskommunale viltfond og fellingsavgift for elg og hjort § 5, jf. § 1, og vedtektene for kommunalt viltfond pkt. 5.

Tilskotet er løyvd ut frå kr. 159 764,- i godkjend kostnad, med 55 % i finansiering (avrunda). Lågare dokumentert kostnad gjev lågare tilskot.

Årleg ettersyn og vedlikehald av gjerdet vert sett som vilkår for tilskotet.

Tilskotet vil bli utbetalt til søkjar sin bankkonto etter oppmoding om sluttutbetaling

Saksopplysningar:

Samandrag/konklusjon (kort om saka)

Viltfondet skal fremje viltforvaltning, kunnskap om viltet, jaktorganisering mv. i kommunen, jf. vedtektene pkt. 5. Formannskapet/plan- og økonomiutvalet (FPØ) utgjer viltnemnda, og tildeler tilskot etter innstilling frå Kommunedirektøren.

Føretaket Lars Bjarte Nesheim søker om kr. 98 414,- i tilskot frå viltfondet til oppsetjing av 1078 meter med hjortegjerde kring graseng på gbnr. 58/5 Lavik i Eksingedalen (leigeareal). Føremålet med tiltaket er å hindre beiteskadar på innmark.

Tiltaket, med innkjøp av materiell og verdien av eige arbeid, er kostnadsrekna til kr. 159 764,-. Tilskotet det vert søkt om, utgjer i dette høvet 61 % av dokumentert utgifter og verdien av eige arbeid, jf. vedlegg til søknaden.

Viltfondet i kommunen kan nyttast til å førebyggje og hindre hjorteskadar på innmark. Fondssaldoen var kr. 644 000,- per 01.08.22. Bunden kapital skal vere kr. 100 000,-. Det soleis kr. 544 000,- tilgjengleg for tildeling.

Kommunedirektøren går inn for å løyve inntil kr. 80 000,- i tilskot til tiltaket. Dette utgjer 50 % finansiering av godkjend kostnad, og er kr. 19 414,- mindre enn søknadsbeløpet.

Bakgrunn for saka

I søknad av 08.08.22 søker føretaket Lars Bjarte Nesheim om kr. 98 414,- i tilskot frå kommunalt viltfond til oppsetjing av 1078 meter med hjortegjerde på gbnr. 58/5 Lavik i Eksingedalen. Søkjar eig og driv gbnr. 65/4 på Nesheim, og nyttar arealet på Lavik som tilleggsareal etter avtale med grunneigar Asbjørn Lavik.

Hjortegjerdet vart sett opp i 2021, som følge av svært høg tettleik av hjort i området, med store beiteskadar og påfølgjande tap av avling og økonomi. Føremålet med tiltaket er soleis å skjerme grasenga, og å hindre/ redusere skadepresset frå hjort. I dette høvet skjermar gjerdet om lag 73 daa med fulldyrka jord, i tillegg til avsperring mot innmarksbeite.

Hjortegjerdet er 2 meter høgt, i form av 2 høgder med 1 meter gjerde. Det var nytta 10 cm tjukke stolpar med om lag 1-2 meters avstand. I tillegg vart eksisterande grindar gjort høgare, og det vart nytta byggjerde mot elva.

Tiltaket er kostnadsrekna og dokumentert til kr. 159 764,- eks mva, etter følgjande fordeling:

·	MATERERIELL/INNLEIGD ARBEID/TRANSPORT	
·	Stolpar, krampar, stolpesko m.m. (Felleskjøpet)	kr. 45 116,-
·	Gjerdnetting	kr. 6 800,-
·	Byggjerde	kr. 22 882,-
·	Materiell frå eige lager (gjerdnetting og krampar)	kr. 12 366,-
·	Innleigd arbeid (entreprenør)	kr. 5 900,-
·	Transport (bruk av traktor m.m).	kr. 5 350,-
	SUM	kr. 98 414,-
·	EIGE ARBEID	
·	Førebuing, gjennomføring og etterarbeid (205,5 t, a kr 300,-)	kr. 61 350,-

Innkjøp av materiell, innleigd arbeid og transport utgjør 61 % av kostnaden, medan verdien av eige arbeid utgjør 39 %. Meterprisen for gjerdet vert kring kr. 150,-.

Søklar opplyser at oppsetjinga av hjortegjerdet var eit samarbeid mellom grunneigarar og leigetakarar av jordbruksareal på Lavik. I dette høvet er om lag 200 daa med graseng gjerda inn, og det er søkt om viltfondsmidlar frå fleire hald.

Formelt grunnlag:

- Forskrift om kommunale og fylkeskommunale viltfond og fellingsavgift for elg og hjort.
- Vedtekter for kommunalt viltfond, vedteke av kommunestyret 17.12.01, jf. sak 0116/01.

Vurdering og konsekvensar:

Om tiltaket

Beiteskadar frå hjort på dyrka mark er eit utbreidd problem i Eksingedalen, mellom anna på Lavik, som har store, samanhengande engareal i aktiv drift. Her samlar det seg mykje hjort på innmarka i sommarhalvåret, der høgt beitepress og opptrækking av enga gjev reduserte avlingar og økonomiske tap for gardbrukarane.

Grunneigarar og leigetakarar på Lavik gått saman om å etablere hjortegjerde rundt store engarareal på staden, som tiltak mot hjorteskadar, mellom anna på eigedomen som søklar gjer nytte av. Her er det lagt ned stor innsats, både økonomisk og arbeidsmessig, for å skjerme innmarka og gras-avlingane.

Kommunedirektøren ser på gjerding som eit effektivt og verknadsfullt tiltak mot hjorteskadar. Tiltaket samsvarer også med statlege forventningar om at det vert gjort aktive grep for å førebyggje og hindre skadar frå hjort på innmark.

Gjerdet som er sett opp på Lavik, er i tråd med faglege råd om hjortegjerde, og vert vurdert som eigna til å halde hjorten vekk frå innmarka.

Vedlagt dokumentasjon av kostnader og arbeidsinnsats vert sett på som tilstrekkeleg vurderingsgrunnlag. Oppgjevne kostnader vert vurdert å vere relevante for tiltaket, og i tråd med kommunen sine satsar for eige arbeid. I dette høvet vert godkjend kostnad sett til kr. 159 764,-, som samsvarer med oppgjevne kostnader i søknaden.

Tildeling av fondsmidlar

I følge Forskrift om kommunale og fylkeskommunale viltfond mv § 5 punkt a), kan kommunen sitt viltfond nyttast til tiltak som førebyggjer og reduserer skadar som hjortevilt påfører landbruksnæringa. Vedtektene til fondet nemner ikkje hjortegjerde spesielt, men seier at tilgjengelege fondsmidlar kan nyttast til å fremje viltforvaltning, jaktorganisering mv. i kommunen, jf. punkt 5. Kommunedirektøren vurderer i dette høvet at tiltaket ligg innanfor fondsføremålet, og går inn for å tildele midlar frå fondet. Grunngevinga tek også utgangspunkt i god effekt av tiltaket.

I følge vedtektene for viltfondet, punkt 4, skal grunnkapitalen til fondet vere kr. 100 000,- (bunden kapital). Midlar ut over dette, er fondsmidlar som kan nyttast til aktuelle tiltak. Fondet sin saldo per 01.08.21, er kr. 644 000,- (avrunda). Det er soleis tilskotsmidlar tilgjengeleg.

Korkje statleg forskrift eller vedtektene for kommunen sitt viltfond seier noko om finansieringsgrad ved tildeling av viltfondsmidlar til ulike tiltak. Det er heller ikkje fastsett noko fast søknadsfrist, eller krav om at tiltaket ikkje må vere byrja på før løyving av tilskot. I dette høvet meiner Kommunedirektøren at tiltaket nyleg bør vere starta opp eller gjennomført, som er tilfelle i gjeldande sak. Elles er det i vurderinga teke høgd for andre innkomne søknadar til fondet, og at det kan kome inn fleire i løpet av året. Handlingsrommet vert i denne samanheng vurdert som tilstrekkeleg for å tildele midlar til tiltaket. Det skal òg nemnast at viltfondet får tilført årleg kapital frå fellingsavgifter etter kvar jaktseong (hortejakta).

Med bakgrunn i søknaden, tiltaket sin karakter og vurderingane ovanfor, går kommunedirektøren inn for å løyve 50 % i tilskot av godkjend kostnad. Dette gjev følgjande tilskot:

- kr. 159 764,- i godkjend kostnad (eks mva) x 50 % i tilskot : 100 % = **kr 80 000,-** (avrunda).

Tilskotet er kr. 19 414,- lågare enn søknadsbeløpet, og utgjer ei løyving på kr. 100,- per meter med gjerde.

Kommunedirektøren si innstilling vert sendt over til FPØ (viltfondet) for endeleg avgjerd.